

**აჭარის ავტონომიური რესპუბლიკის უმაღლესი საბჭოს
2024 წლის 26 ოქტომბრის არჩევნების საარჩევნო
ღონისძიებათა გრაფიკი**

<p>არჩევნების დანიშვნის დღე</p>	<p>27 აგვისტო სამშაბათი</p>	<ol style="list-style-type: none"> 1. იწყება წინასაარჩევნო კამპანია (აგიტაცია) (საარჩევნო კოდექსი 45-ე მუხლის პირველი პუნქტი) 2. არჩევნების გამოცხადებიდან არჩევნების შედეგების შეჯამებამდე გაზეთები, რომლებიც ფინანსდება ცენტრალური, ან ადგილობრივი ბიუჯეტიდან, ვალდებული არიან, დაიცვან საარჩევნო კოდექსის 50-ე მუხლით დადგენილი მოთხოვნები. (საარჩევნო კოდექსი 50-ე მუხლის მე-2 პუნქტი) 3. არჩევნების დანიშვნის დღიდან უსკოს მიერ არჩევნების საბოლოო შედეგების გამოქვეყნებამდე და ამ დღიდან ერთი თვის განმავლობაში, არჩევნებთან დაკავშირებული საზოგადოებრივი აზრის გამოკითხვის შედეგების გამოქვეყნებისას სავალდებულოა საქართველოს საარჩევნო კოდექსის 50-ე მუხლის მე-5 პუნქტის მოთხოვნათა გათვალისწინება. (საარჩევნო კოდექსი 50-ე მუხლის მე-5 პუნქტი) 4. უმაღლესი საბჭოს არჩევნებში მონაწილეობის მიზნით პარტიამ, მისი ხელმძღვანელი პირის (პირების) მიერ ხელმოწერილი სათანადო განცხადებით უნდა მიმართოს უსკოს. (აჭარის ა.რ კანონი უმაღლესი საბჭოს არჩევნების შესახებ, მუხლი 35, პუნქტი პირველი) (საწყისი ვადა) 5. აჭარის ავტონომიური რესპუბლიკის უმაღლესი საბჭოს 2024 წლის 26 ოქტომბრის არჩევნებში მონაწილეობის მიღების მიზნით პარტიამ, რომელსაც არ გააჩნია საარჩევნო რეგისტრაცია ცესკოში, მისი ხელმძღვანელი პირის ხელმოწერილი განცხადებით უნდა მიმართოს უსკოს, პარტიის მხარდამჭერთა სიის ნიმუშის მისაღებად. (აჭარის ა/რ კანონი უმაღლესი საბჭოს არჩევნების შესახებ, მუხლი 35, პუნქტი პირველი) (საწყისი ვადა) 6. საქართველოს საარჩევნო კოდექსის მე-13 მუხლით გათვალისწინებული პოლიტიკური პარტიების გადაწყვეტილება უმაღლესი საარჩევნო კომისიის წევრის დანიშვნის თაობაზე, წარედგინება უსკოს. (აჭარის ა.რ კანონი უმაღლესი საბჭოს არჩევნების შესახებ, მუხლი 13, პუნქტი პირველი) (საწყისი ვადა) 7. არჩევნების დანიშნიდან შესაბამისი არჩევნების საბოლოო შედეგების შეჯამებამდე დაუშვებელია პარტიის მიერ დანიშნული უსკოს წევრის გამოწვევა (აჭარის ა.რ კანონი უმაღლესი საბჭოს არჩევნების შესახებ, მუხლი 13, პუნქტი პირველი საარჩევნო კოდექსი მე-13 მუხლის მე-4 პუნქტი)
<p>მე-60 დღიდან</p>	<p>27 აგვისტო სამშაბათი</p>	<ol style="list-style-type: none"> 1. არჩევნების დღემდე მე-60 დღიდან არჩევნების დღის ჩათვლით აკრძალულია ისეთი პროექტების/პროგრამების განხორციელება, რომლებიც მანამდე არ იყო გათვალისწინებული საქართველოს სახელმწიფო, აჭარის ავტონომიური რესპუბლიკის რესპუბლიკურ ან აჭარის ავტონომიურ რესპუბლიკაში მდებარე მუნიციპალიტეტის ბიუჯეტში, გარდა იმ შემთხვევისა როდესაც პროექტები/პროგრამები ფინანსდება არჩევნების დღემდე არანაკლებ 60 დღით ადრე შესაბამისი ბიუჯეტის სათანადო პროგრამული კოდით გათვალისწინებული ასიგნებების ფარგლებში ან/და ამ ასიგნებებიდან გამოყოფილი სახსრებით, აგრეთვე დონორების მიერ გამოყოფილი სახსრებით. (აჭარის ა.რ კანონი უმაღლესი საბჭოს არჩევნების შესახებ, მუხლი 56, პუნქტი 3) 2. არჩევნების დღემდე მე-60 დღიდან არჩევნების დღის ჩათვლით აკრძალულია სოციალური გასაცემლების (პენსია, სოციალური დახმარება, შემწეობა და სხვა) ოდენობების ზრდა, გარდა იმ გასაცემლებისა, რომელთა ოდენობების ზრდა საქართველოს და აჭარის ავტონომიური რესპუბლიკის კანონმდებლობით გათვალისწინებული იყო არჩევნების დღემდე არანაკლებ 60 დღით ადრე, აგრეთვე ისეთი სოციალური გასაცემლების (პენსია, სოციალური დახმარება, შემწეობა და სხვა) ან/და შეღავათების დაწესება, რომლებიც არჩევნების დღემდე არანაკლებ 60 დღით ადრე გათვალისწინებული არ იყო საქართველოს და აჭარის ავტონომიური რესპუბლიკის კანონმდებლობით. (აჭარის ა.რ კანონი უმაღლესი საბჭოს არჩევნების

		<p>შესახებ, მუხლი 56, პუნქტი 4)</p> <p>3. სახელმწიფო ხელისუფლების ორგანოს ან მუნიციპალიტეტის ორგანოს ეკრძალება არჩევნების დღემდე მე-60 დღიდან არჩევნების დღის ჩათვლით მაუწყებლის ეთერში ისეთი სარეკლამო ვიდეორგოლის განთავსება, რომელიც შეიცავს ინფორმაციას შესაბამისი უწყების მიერ შესრულებული ან დაგეგმილი სამუშაოს შესახებ.(აჭარის ა.რ კანონი უმაღლესი საბჭოს არჩევნების შესახებ, მუხლი 56, პუნქტი 5)</p>
<p>არაუგვიანეს 57-ე დღისა</p>	<p>30 აგვისტო პარასკევი</p>	<p>1. უმაღლესი საბჭოს არჩევნებში მონაწილეობის მიღების მიზნით პარტიამ, მისი ხელმძღვანელი პირის (პირების) მიერ ხელმოწერილი სათანადო განცხადებით უნდა მიმართოს უსკოს. (აჭარის ა.რ კანონი უმაღლესი საბჭოს არჩევნების შესახებ, მუხლი 35, პუნქტი პირველი) (ბოლო ვადა)</p> <p>2. აჭარის ავტონომიური რესპუბლიკის უმაღლესი საბჭოს 2024 წლის 26 ოქტომბრის არჩევნებში მონაწილეობის მიღების მიზნით პარტიამ, რომელსაც არ გააჩნია საარჩევნო რეგისტრაცია ცესკოში, მისი ხელმძღვანელი პირის ხელმოწერილი განცხადებით მიმართავენ უსკოს პარტიის მხარდამჭერთა სიის ნიმუშის მისაღებად. (აჭარის ა.რ კანონი უმაღლესი საბჭოს არჩევნების შესახებ, მუხლი 35, პუნქტი პირველი)(ბოლო ვადა)</p> <p>3. უმაღლესი საბჭოს წევრობის კანდიდატთა ნარკოლოგიური შემოწმების განხორციელების მიზნით სათანადო დაწესებულებათა ჩამონათვალის განსაზღვრა. (აჭარის ა.რ კანონი უმაღლესი საბჭოს არჩევნების შესახებ, მუხლი 15, პუნქტი 1, „შ¹¹“) (ბოლო ვადა)</p> <p>4.საქართველოს საარჩევნო კოდექსის მე-13 მუხლით გათვალისწინებული პოლიტიკური პარტიების გადაწყვეტილება, უმაღლესი საარჩევნო კომისიის წევრის დანიშვნის თაობაზე, წარედგინება უსკოს. (აჭარის ა.რ კანონი უმაღლესი საბჭოს არჩევნების შესახებ, მუხლი 13, პუნქტი პირველი) (ბოლო ვადა)</p>

<p>არაუგვიანეს 55-ე დღისა</p>	<p>1 სექტემბერი კვირა</p>	<p>1. უსკო აჭარის ა/რ ფინანსთა და ეკონომიკის სამინისტროს წარუდგენს არჩევნების მომზადებისა და დაფინანსების გეგმას. (აჭარის ა.რ კანონი უმაღლესი საბჭოს არჩევნების შესახებ, მუხლი 58, პუნქტი პირველი)(ბოლო ვადა)</p> <p>2. მუნიციპალიტეტის ორგანოები ვალდებული არიან, შეადგინონ იმ შენობა-ნაგებობების ნუსხა, სადაც შესაძლებელია ჩატარდეს წინასაარჩევნო კამპანია (აგიტაცია), და გადასცენ იგი საოლქო საარჩევნო კომისიას. საოლქო საარჩევნო კომისია ვალდებულია ადგილობრივი თვითმმართველობის ორგანოთა მიერ გამოყოფილი შენობა-ნაგებობების ნუსხა გაასაჯაროსოს მისი მიღებიდან 2 დღის ვადაში. ადგილობრივი თვითმმართველობის ორგანოთა მიერ გამოყოფილი შენობა-ნაგებობების ნუსხა, აგრეთვე უნდა გამოქვეყნდეს ცესკოს ვებგვერდზე (საარჩევნო კოდექსი 45-ე მუხლის მე-9 პუნქტი)</p> <p>3. ცესკო უსკოს გადასცემს აჭარის ავტონომიური რესპუბლიკის ტერიტორიაზე რეგისტრირებულ ამომრჩეველთა ერთიან სიას. უსკო თავის ვებგვერდზე აქვეყნებს ინფორმაციას ამომრჩეველთა საერთო რაოდენობის შესახებ აჭარის ავტონომიური რესპუბლიკაში და მის ყოველ საარჩევნო ოლქში. (აჭარის ა.რ კანონი უმაღლესი საბჭოს არჩევნების შესახებ მუხლი 30 პუნქტი მე-6)</p> <p>4. განისაზღვრება საარჩევნო სუბიექტების რიგითი ნომერი. (საქართველოს საარჩევნო კოდექსი მუხლი 38¹), (აჭარის ა.რ კანონი უმაღლესი საბჭოს არჩევნების შესახებ, მუხლი 45)</p> <p>5. სამაუწყებლო ლიცენზიის მფლობელი, ავტორიზებული მაუწყებელი, საზოგადოებრივი მაუწყებელი, საზოგადოებრივი მაუწყებლის აჭარის ტელევიზია/რადიო ვალდებულია ცესკოს და საქართველოს კომუნიკაციების ეროვნულ კომისიას ვებგვერდზე გამოქვეყნების მიზნით გადასცეს ინფორმაცია ფასიანი წინასაარჩევნო რეკლამის განსათავსებლად საეთერო დროის ტარიფების შესახებ. (საარჩევნო კოდექსი, 50-ე მუხლის პირველი პუნქტი)</p>
<p>50-ე დღიდან</p>	<p>6 სექტემბერი პარასკევი</p>	<p>1. ძალაში შედის სამაუწყებლო ლიცენზიის მფლობელის, ავტორიზებული მაუწყებლის, საზოგადოებრივი მაუწყებლის, საზოგადოებრივი მაუწყებლის აჭარის ტელევიზიის/რადიოს მიერ ცესკოსა და საქართველოს კომუნიკაციების ეროვნული კომისიისთვის ვებგვერდზე გამოქვეყნების მიზნით გადაცემული საეთერო დროის ტარიფები. შესაბამისი ტარიფის შეცვლა დასაშვებია ერთხელ, კენჭისყრამდე არაუგვიანეს 35-ე კალენდარული დღისა, გარდა საარჩევნო კოდექსით გათვალისწინებული შემთხვევისა. ტარიფის შეცვლის შემთხვევაში ახალი ტარიფი ეგზავნება საქართველოს კომუნიკაციების ეროვნულ კომისიას ვებგვერდზე გამოქვეყნების მიზნით. ეს ტარიფი ძალაში შედის კენჭისყრამდე 30-ე კალენდარულ დღეს. (საარჩევნო კოდექსი, 50-ე მუხლის პირველი პუნქტი)</p> <p>2. საარჩევნო კოდექსის 50-ე მუხლის პირველ პუნქტში აღნიშნული შესაბამისი პირი ვალდებულია დაიწყოს რეკლამის განთავსება ამავე პუნქტით განსაზღვრული პირობების დაცვით. (საარჩევნო კოდექსი, 50-ე მუხლის პირველი პუნქტი)</p>

არაუგვიანეს 50-ე დღისა	6 სექტემბერი პარასკევი	<p>1. შესაბამისი პოლიტიკური პარტიების მიერ მხარდამჭერთა სიების წარდგენის ბოლო ვადა. (აჭარის ა.რ კანონი უმაღლესი საბჭოს არჩევნების შესახებ, მუხლი 35, პუნქტი 8)</p> <p>2. შექმნილი საარჩევნო უბნის საზღვრებს, აგრეთვე საარჩევნო უბნის ტერიტორიაზე მდებარე, საარჩევნო კოდექსის 23-ე მუხლის მე-2 პუნქტში აღნიშნულ შენობანაგებობათა ნუსხასა და მისამართებს აზუსტებს შესაბამისი საოლქო საარჩევნო კომისია, თვითმმართველი ქალაქის/თემის, ტერიტორიაზე მოქმედ ადგილობრივი თვითმმართველობის ორგანოთა მონაცემებისა და შემოწმების საფუძველზე. საარჩევნო უბნების დაზუსტებული საზღვრები დაუყოვნებლივ ქვეყნდება(საარჩევნო კოდექსი, 23-ე მუხლის მე-5 პუნქტი)</p> <p>3. აჭარის ავტონომიური რესპუბლიკის ფინანსთა და ეკონომიკის სამინისტრო წარდგენილი გეგმის შესაბამისად კენჭისყრამდე არაუგვიანეს 50 დღისა უზრუნველყოფს არჩევნების მომზადებისა და ჩატარებისათვის განკუთვნილი ასიგნების გამოყოფას აჭარის ავტონომიური რესპუბლიკის რესპუბლიკური ბიუჯეტიდან უსკოს შესაბამის საბიუჯეტო პროგრამულ კოდექს(აჭარის ა.რ კანონი უმაღლესი საბჭოს არჩევნების შესახებ, მუხლი 58, პუნქტი 2)</p>
არაუადრეს 49-ე დღიდან	7 სექტემბერი შაბათი	საოლქო საარჩევნო კომისია ირჩევს საუბნო საარჩევნო კომისიის ხელმძღვანელ პირებს და 5 წევრს. (საწყისი ვადა) ((საარჩევნო კოდექსი, 24-ე მუხლის მე-2 პუნქტი,
არაუგვიანეს 46-ე დღისა	10 სექტემბერი სამშაბათი	საოლქო საარჩევნო კომისია ირჩევს საუბნო საარჩევნო კომისიის წევრებს. ბოლო ვადა (საარჩევნო კოდექსი, მუხლი 25, პუნქტი 4)
არაუგვიანეს 45-ე დღისა	11 სექტემბერი ოთხშაბათი	უფლებამოსილი პარტიები შესაბამის საოლქო საარჩევნო კომისიას წარუდგენენ საუბნო საარჩევნო კომისიის წევრის დანიშვნის შესახებ გადაწყვეტილებას (საარჩევნო კოდექსი, 25-ე მუხლის მე-6 პუნქტი) (საწყისი ვადა)
არაუგვიანეს 40-ე დღისა	16 სექტემბერი ორშაბათი	უფლებამოსილი პარტიები შესაბამის საოლქო საარჩევნო კომისიას წარუდგენენ საუბნო საარჩევნო კომისიის წევრის დანიშვნის შესახებ გადაწყვეტილებას (საქართველოს საარჩევნო კოდექსი 25-ე მუხლის მე-6 პუნქტი) (ბოლო ვადა)
არაუგვიანეს 30-ე დღე	26 სექტემბერი ხუთშაბათი	<p>უსკოსთვის პარტიების მიერ პარტიული სიის წარდგენის ბოლო დღე.</p> <p>პარტიულ სიას უნდა ერთოდეს უმაღლესი საბჭოს წევრობის თითოეული კანდიდატის მიერ შევსებული და ხელმოწერილი სააღრიცხვო ბარათი, უფლების ჩამორთმევის შესახებ ცნობა, ნარკოლოგიური შემოწმების შესახებ ცნობა, საქართველოს მოქალაქის პირადობის მოწმობის ან საქართველოს მოქალაქის პასპორტის ფოტოასლი და ფოტოსურათი. ნარკოლოგიური შემოწმების შესახებ ცნობა საჯაროა და ქვეყნდება უსკოს ოფიციალურ ვებგვერდზე. (აჭარის ა.რ კანონი უმაღლესი საბჭოს არჩევნების შესახებ, მუხლი 39, პუნქტი 7)</p> <p>უმაღლესი საბჭოს წევრობის კანდიდატად რეგისტრაციის შესახებ საარჩევნო კომისიისთვის განცხადების წარდგენიდან არა უგვიანეს მე-2 დღისა დაკავებული თანამდებობიდან უნდა გადადგენენ და განთავისუფლდნენ, „აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის მე-9 მუხლის მე-2 პუნქტით განსაზღვრული თანამდებობის პირები. თანამდებობებიდან გადადგომისა და განთავისუფლების შესახებ სათანადო სამართლებრივი აქტი დაუყოვნებლივ უნდა წარედგინოს უმაღლეს საარჩევნო კომისიას. (აჭარის ა.რ კანონი უმაღლესი საბჭოს არჩევნების შესახებ, მუხლი 9)</p>

30-ე დღისათვის	26 სექტემბერი ხუთშაბათი	თუ საუბნო საარჩევნო კომისიის შემადგენლობაში დადგენილ რაოდენობაზე ნაკლები წევრი აღმოჩნდა, ზემდგომ საოლქო საარჩევნო კომისიას უფლება აქვს 3 დღის ვადაში აირჩიოს საუბნო საარჩევნო კომისიის წევრები კონკურსში მონაწილე კანდიდატთაგან ან ხელახლა გამოცხადებული კონკურსის საფუძველზე, რომელსაც საჭიროების შემთხვევაში იმავე დღესვე აცხადებს საოლქო საარჩევნო კომისია (საარჩევნო კოდექსი, 25-ე მუხლის მე-8 პუნქტი)
30-ე დღიდან	26 სექტემბერი ხუთშაბათი	<ol style="list-style-type: none"> 1. ახალშექმნილი საუბნო საარჩევნო კომისია ფუნქციონირებას იწყებს და მის წევრთა უფლებამოსილებები იწყება არჩევნების დღემდე 30-ე დღიდან. (საარჩევნო კოდექსი, (25-ე მუხლის მე-14 პუნქტი) 2. საუბნო საარჩევნო კომისიას გადაეცემა ცესკოს მიერ დამოწმებული ამომრჩეველთა ერთიანი სიის საჯარო ინფორმაციისთვის მიკუთვნებული ვერსია. ამომრჩეველთა ერთიანი სიის საჯარო ინფორმაციისთვის მიკუთვნებული ვერსია (ფოტოსურათების გარეშე) დაუყოვნებლივ უნდა გამოიკრას საუბნო საარჩევნო კომისიის შენობაში თვალსაჩინო ადგილას. (საარჩევნო კოდექსი, 31-ე მუხლის მე-11 პუნქტი) 3. ძალაში შედის ფასიანი წინასაარჩევნო რეკლამის განსათავსებლად საეთერო დროის შეცვლილი ტარიფები. (საარჩევნო კოდექსი, 50-ე მუხლის პირველი პუნქტი)
არაუგვიანეს 29-ე დღისა	27 სექტემბერი პარასკევი	საოლქო საარჩევნო კომისია ცესკოს ოფიციალურ ვებგვერდზე აქვეყნებს საუბნო საარჩევნო კომისიის წევრთა სიას (საარჩევნო კოდექსი, 25-ე მუხლის მე-7 პუნქტი)
არაუგვიანეს 28-ე დღისა	28 სექტემბერი შაბათი	<ol style="list-style-type: none"> 1. უმაღლესი საბჭოს წევრობის კანდიდატად რეგისტრაციის თაობაზე, შესაბამისი საარჩევნო კომისიისათვის განცხადების წარდგენიდან არაუგვიანეს მე-2 დღისა დაკავებული თანამდებობიდან უნდა გადადგენ და განთავისუფლდნენ აჭარის ა.რ უმაღლესი საბჭოს არჩევნების შესახებ კანონის მე-9 მუხლით გათვალისწინებული თანამდებობის პირები. (აჭარის ა.რ კანონი უმაღლესი საბჭოს არჩევნების შესახებ, მუხლი 9) 2. საუბნო საარჩევნო კომისია ვალდებულია ამომრჩეველთა სიები და მათთან დაკავშირებით საჩივრის შეტანის კანონით განსაზღვრული წესი აღნიშნული სიების კანონით დადგენილი წესით მისთვის გადაცემიდან არაუგვიანეს მომდევნო დღისა, თვალსაჩინო ადგილას გამოაკრას საუბნო საარჩევნო კომისიისა და კენჭისყრის შენობებში. ამ მოთხოვნის შეუსრულებლობისთვის პასუხისმგებლობა ეკისრება საუბნო საარჩევნო კომისიის თავმჯდომარეს (საარჩევნო კოდექსი 34-ე მუხლის პირველი პუნქტი)
არაუგვიანეს 26-ე დღისა	30 სექტემბერი ორშაბათი	<p>უსკოს სათანადო სამსახური ამოწმებს პარტიის მიერ წარდგენილ პარტიულ სიას და დასკვნას წარუდგენს უსკოს თავმჯდომარეს. რომელიც 3 დღის ვადაში, მაგრამ არაუგვიანეს არჩევნების დღემდე 25-ე დღისა:</p> <p>ა) საარჩევნო რეგისტრაციაში გაატარებს პარტიულ სიას და პარტიის მიერ წარდგენილ კანდიდატებს, თუ წარდგენილი პარტიული სია და თანდართული საბუთები შეესაბამება ამ კანონით დადგენილ მოთხოვნებს;</p> <p>ბ) წერილობით აცნობებს პარტიის წარმომადგენელს ამ კანონით დადგენილ მოთხოვნებთან პარტიულ სიასა და თანდართულ საბუთებში არსებული მონაცემების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა, და მას 3 დღე ეძლევა სიისა და საბუთების სრულყოფისთვის. (აჭარის ა.რ კანონი უმაღლესი საბჭოს არჩევნების შესახებ, მუხლი 41, პუნქტი 2)</p>

<p>არაუგვიანეს 25-ე დღისა</p>	<p>1 ოქტომბერი სამშაბათი</p>	<p>1. უსკოს თავმჯდომარე თუ წარდგენილი პარტიული სია და თანდართული საბუთები აკმაყოფილებს საარჩევნო კანონით დადგენილ მოთხოვნებს, რეგისტრაციაში ატარებს პარტიულ სიას, პარტიის მიერ წარდგენილ კანდიდატებს. (აჭარის ა.რ კანონი უმაღლესი საბჭოს არჩევნების შესახებ, მუხლი 41, პუნქტი 2)</p> <p>2. უსკო თავის ოფიციალურ ვებგვერდზე აქვეყნებს რეგისტრირებულ პარტიულ სიებს. (საარჩევნო კოდექსი, მუხლი 38¹, პუნქტი 11)</p> <p>3. შესაბამისი სამხედრო დანაყოფების/ნაწილების მეთაურები ან შესაბამისი დაწესებულებების/დანაყოფების ხელმძღვანელები ადგენენ და გადასცემენ შესაბამის საოლქო საარჩევნო კომისიას საქართველოს თავდაცვის სამინისტროს, საქართველოს შინაგან საქმეთა სამინისტროს, საქართველოს იუსტიციის სამინისტროს სისტემაში შემავალი სახელმწიფო საქვეუწყებო დაწესებულების – სპეციალური პენიტენციური სამსახურის, საქართველოს სახელმწიფო უსაფრთხოების სამსახურის, საქართველოს დაზვერვის სამსახურისა და სახელმწიფო დაცვის სპეციალური სამსახურის სამხედრო მოსამსახურეებისა და სპეციალური წოდების მქონე პირების სიას, რომელთა სამსახურის პირობები ან ჯანმრთელობის მდგომარეობა მოითხოვს არჩევნების დღეს მათ ყოფნას რეგისტრაციის ადგილისაგან განსხვავებულ მისამართზე, რომელიც სხვა საარჩევნო ოლქს მიეკუთვნება. (საარჩევნო კოდექსი, მუხლის 32-ე პუნქტი პირველი „დ“ და „დ.ა“ ქვეპუნქტები)</p>
<p>არაუგვიანეს 22-ე დღისა</p>	<p>4 ოქტომბერი პარასკევი</p>	<p>1. უსკოს თავმჯდომარეს წარედგინება პარტიის შესწორებული პარტიული სია და თანდართული საბუთები (ბოლო ვადა) შესწორებული მონაცემები უნდა შემოწმდეს და საარჩევნო რეგისტრაციის საკითხი უნდა გადაწყდეს მათი წარდგენიდან 5 დღის ვადაში, მაგრამ არჩევნების დღემდე არაუგვიანეს მე-20 დღისა.</p> <p>თუ შესწორებული მონაცემები შეესაბამება ამ კანონით დადგენილ მოთხოვნებს, უსკოს თავმჯდომარე საარჩევნო რეგისტრაციაში გაატარებს პარტიულ სიას ან მის იმ ნაწილს, რომელიც შეესაბამება ამ კანონით დადგენილ მოთხოვნებს (თუ ამ ნაწილში კანდიდატთა რაოდენობა დადგენილ მინიმალურ ოდენობაზე ნაკლები არ არის), ხოლო დანარჩენი კანდიდატების შესახებ იმავე ვადაში გამოსცემს განკარგულებას მათთვის საარჩევნო რეგისტრაციაზე უარის თქმის შესახებ (განკარგულებაში ზუსტად უნდა აღინიშნოს რეგისტრაციაზე უარის თქმის მიზეზები და ამ კანონის ის ნორმები, რომელთა დაუკმაყოფილებლობამაც გამოიწვია უარის თქმა). თუ პარტიული სიის იმ ნაწილში, რომელიც შეესაბამება ამ კანონით დადგენილ მოთხოვნებს, დადგენილ მინიმალურ ოდენობაზე ნაკლები კანდიდატი დარჩა, არც პარტიული სია და არც პარტიის/საარჩევნო ბლოკის მიერ წარდგენილი კანდიდატები რეგისტრაციაში არ გატარდება და უსკოს თავმჯდომარე ზემოაღნიშნულ ვადაში გამოსცემს განკარგულებას საარჩევნო რეგისტრაციაზე უარის თქმის შესახებ (განკარგულებაში ზუსტად უნდა აღინიშნოს რეგისტრაციაზე უარის თქმის მიზეზები და ამ კანონის ის ნორმები, რომელთა დაუკმაყოფილებლობამაც გამოიწვია უარის თქმა). აღნიშნული განკარგულება პარტიის წარმომადგენელს დაუყოვნებლივ ეცნობება და მოთხოვნისთანავე გადაეცემა. (აჭარის ა.რ კანონი უმაღლესი საბჭოს არჩევნების შესახებ, მუხლი 41, პუნქტი 3)</p>
<p>არაუგვიანეს მე-20 დღისა</p>	<p>6 ოქტომბერი კვირა</p>	<p>უსკოს თავმჯდომარე ახორციელებს პარტიის შესწორებული პარტიული სიისა და თანდართული საბუთების რეგისტრაციას/რეგისტრაციაზე უარის თქმას „აჭარის ავტონომიური რესპუბლიკის უმაღლესი საბჭოს არჩევნების შესახებ“ კანონის 41-ე მუხლის მე-3 პუნქტით დადგენილი წესითა და ვადებში (ბოლო ვადა). (აჭარის ა.რ კანონი უმაღლესი საბჭოს არჩევნების შესახებ, მუხლი 41, პუნქტი 3)</p>
<p>მე-20 დღიდან</p>	<p>6 ოქტომბერი კვირა</p>	<p>აკრძალულია საუბნო საარჩევნო კომისიის წევრის გამოწვევა ბოლო ვადა. (საარჩევნო კოდექსი, მუხლი 29, პუნქტი 9)</p>

არაუგვიანეს მე-16 დღისა	10 ოქტომბერი ხუთშაბათი	<p>1. საარჩევნო პერიოდში საქართველოს საარჩევნო ადმინისტრაცია ამოწმებს ამომრჩეველთა სიებს. შემოწმების შედეგებს განიხილავს და სათანადო გადაწყვეტილებას იღებს საოლქო საარჩევნო კომისია განცხადების მიღებიდან 2 დღის ვადაში, მაგრამ არჩევნების დღემდე არაუგვიანეს მე-16 დღისა. ამ კომისიის განკარგულება ამომრჩეველთა შესახებ მონაცემებში/ამომრჩეველთა სიებში ცვლილების შეტანაზე უარის თქმის შესახებ დასაბუთებული უნდა იყოს და მისი გამოცემის მომდევნო დღიდან, მოთხოვნისთანავე უნდა გადაეცეს განმცხადებელს. (საარჩევნო კოდექსი, 31-ე მუხლისმე-8 პუნქტი)</p> <p>2. უმაღლესი საბჭოს წევრობის კანდიდატს, მის წარმდგენ პარტიას უფლება აქვს უარი თქვან არჩევნებში მონაწილეობაზე ან წარდგენილ კანდიდატზე, რისთვისაც განცხადებით უნდა მიმართონ უმაღლეს საარჩევნო კომისიას. (აჭარის ა.რ. კანონი უმაღლესი საბჭოს არჩევნების შესახებ, მუხლი 43, პუნქტი პირველი)</p>
არაუგვიანეს მე-15 დღისა	11 ოქტომბერი პარასკევი	<p>საოლქო საარჩევნო კომისია გამონაკლის შემთხვევებში (საქართველოს თავდაცვის სამინისტროს სამხედრო მოსამსახურეთა დისლოკაციის ადგილი საზღვარგარეთ, საქართველოს სასჯელაღსრულებისა და პრობაციის სამინისტროს პენიტენციური დაწესებულება, საავადმყოფო და სხვა სტაციონარული სამკურნალო დაწესებულება, სათნოების სახლი, მიუსაფართა თავშესაფარი, შეზღუდული შესაძლებლობების მქონე პირთა პანსიონატი და სხვა სოციალური მიზნის მქონე დაწესებულება, რომელშიც 50-ზე მეტი ამომრჩეველია) ქმნის საარჩევნო უბანს. ზემოაღნიშნული დაწესებულება, რომელშიც ამომრჩეველთა რაოდენობა 50-ს არ აღემატება, საოლქო საარჩევნო კომისიის განკარგულებით მიემაგრება მასთან არსებულ უახლოეს საარჩევნო უბანს (საარჩევნო კოდექსი, 23-ე მუხლის მე-4 პუნქტი)</p>
არაუადრეს მე-14 დღისა	12 ოქტომბერი შაბათი	<p>უფლებამოსილი პარტიები შესაბამის საოლქო საარჩევნო კომისიას წარუდგენენ გამონაკლის შემთხვევაში შექმნილი საუბნო საარჩევნო კომისიის წევრის დანიშვნის შესახებ გადაწყვეტილებას (საარჩევნო კოდექსი 25-ე მუხლის მე-6 პუნქტი) (საწყისი ვადა)</p>
არაუგვიანეს მე-13 დღისა	13 ოქტომბერი კვირა	<p>1. ამომრჩეველთა სიებში, არჩევნების დღემდე მე-15-დან მე-12 დღემდე, ცვლილება შეიტანება მხოლოდ სასამართლოს გადაწყვეტილებით (საარჩევნო კოდექსი (31-ე მუხლის მე-13 პუნქტი) (ბოლო ვადა))</p> <p>2. სასამართლოს მიერ სარჩელის დაკმაყოფილების შემთხვევაში, სასამართლოს გადაწყვეტილება, რომელიც ეხება ამომრჩეველთა შესახებ მონაცემებში/ამომრჩეველთა სიებში ცვლილების შეტანაზე უარის თქმის შესახებ საოლქო საარჩევნო კომისიის განკარგულებას, უნდა გადაეცეს საოლქო საარჩევნო კომისიას, რომელმაც სათანადო ინფორმაცია დაუყოვნებლივ უნდა მიაწოდოს ცესკოს და შესაბამის საუბნო საარჩევნო კომისიას. საარჩევნო კომისიებმა სათანადო ცვლილება დაუყოვნებლივ უნდა შეიტანონ ამომრჩეველთა შესახებ მონაცემებში/ამომრჩეველთა სიებში ((საარჩევნო კოდექსი 31-ე მუხლის მე-10 პუნქტი) (ბოლო ვადა))</p> <p>3. საოლქო საარჩევნო კომისია ცესკოს ოფიციალურ ვებგვერდზე აქვეყნებს გამონაკლის შემთხვევაში შექმნილი საარჩევნო უბნების ნომრებს, საუბნო საარჩევნო კომისიების მისამართებს, საკონტაქტო ტელეფონის ნომრებსა და სხვა რეკვიზიტებს (საარჩევნო კოდექსი 23-ე მუხლის მე-8 პუნქტი) (ბოლო ვადა)</p>
მე-12 დღიდან	14 ოქტომბერი ორშაბათი	<p>აკრძალულია ამომრჩეველთა სიებში ცვლილების შეტანა, გარდა საარჩევნო კოდექსის 31-ე მუხლის მე-12 პუნქტით გათვალისწინებული შემთხვევებისა. იმ ამომრჩევლის რეგისტრაციის საკითხს, რომელმაც კანონით დადგენილ ვადაში ვერ გაიარა რეგისტრაცია, განცხადებისა და შესაბამისი დოკუმენტების (საქართველოს მოქალაქის პასპორტში ჩანაწერი საზღვრის გადაკვეთის შესახებ, ცნობა სტაციონარული სამკურნალო დაწესებულებიდან, პენიტენციური დაწესებულებიდან გათავისუფლების ცნობა) წარდგენის შემთხვევაში წყვეტს საოლქო საარჩევნო კომისია განკარგულებით. ამომრჩევლის განცხადებას საოლქო საარჩევნო კომისია განიხილავს მისი მიღებიდან 2 დღის ვადაში, ხოლო თუ</p>

		<p>კენჭისყრის დღემდე დარჩენილია 2 დღეზე ნაკლები – დაუყოვნებლივ. უარყოფითი გადაწყვეტილების შესახებ ამომრჩეველს უნდა ეცნობოს დაუყოვნებლივ (საარჩევნო კოდექსი (31-ე მუხლის მე-12 და მე-13 პუნქტები)</p>
<p>არაუგვიანეს მე-11 დღისა</p>	<p>15 ოქტომბერი სამშაბათი</p>	<ol style="list-style-type: none"> 1. სამკურნალო დაწესებულების ხელმძღვანელი ადგენს და შესაბამის საოლქო საარჩევნო კომისიას გადასცემს იმ ამომრჩეველთა სიას, რომლებიც სამკურნალოდ წვანან საავადმყოფოში ან სხვა სტაციონარულ სამკურნალო დაწესებულებაში და, მათი ჯანმრთელობის მდგომარეობიდან გამომდინარე, კენჭისყრის დღისთვის ვერ იქნებიან გაწერილი ამ დაწესებულებიდან (საარჩევნო კოდექსი 32-ე მუხლის პირველი პუნქტის „ბ“) 2. პენიტენციური დაწესებულების ხელმძღვანელი ადგენს და შესაბამის საოლქო საარჩევნო კომისიას გადასცემს იმ ამომრჩეველთა სიას, რომლებიც კენჭისყრის დღეს პატიმრობაში იმყოფებიან (საარჩევნო კოდექსი 32-ე მუხლის პირველი პუნქტის „გ“ ქვეპუნქტი.) 3. შესაბამისი დაწესებულების ხელმძღვანელი ადგენს კენჭისყრის დღეს ადმინისტრაციულ პატიმრობაში მყოფ ამომრჩეველთა სიას და გადასცემს შესაბამის საოლქო საარჩევნო კომისიას (საარჩევნო კოდექსი 32-ე მუხლის პირველი პუნქტის „გ 1“ ქვეპუნქტი.) 4. შესაბამისი სამხედრო დანაყოფების/ნაწილების მეთაურები ან შესაბამისი დაწესებულებების/დანაყოფების ხელმძღვანელები სამხედრო სამსახურში გაწვევის შედეგების გათვალისწინებით, ადგენენ და გადასცემენ შესაბამის საოლქო საარჩევნო კომისიას საქართველოს თავდაცვის სამინისტროს, საქართველოს შინაგან საქმეთა სამინისტროს, საქართველოს იუსტიციის სამინისტროს სისტემაში შემავალი სახელმწიფო საქვეუწყებო დაწესებულების – სპეციალური პენიტენციური სამსახურის, საქართველოს სახელმწიფო უსაფრთხოების სამსახურის, საქართველოს დაზვერვის სამსახურისა და სახელმწიფო დაცვის სპეციალური სამსახურის სამხედრო მოსამსახურეებისა და სპეციალური წოდების მქონე პირების სიას, რომელთა სამსახურის პირობები ან ჯანმრთელობის მდგომარეობა მოითხოვს არჩევნების დღეს მათ ყოფნას რეგისტრაციის ადგილისაგან განსხვავებულ მისამართზე, რომელიც სხვა საარჩევნო ოლქს მიეკუთვნება (საარჩევნო კოდექსი 32-ე მუხლის პირველი პუნქტის „დ“ და „დ.ბ“ ქვეპუნქტები) 5. საარჩევნო ადმინისტრაციის ის მოხელეები, რომლებიც საარჩევნო კომისიებში საქმიანობის გამო კენჭისყრის დღეს ვერ მონაწილეობენ არჩევნებში თავიანთი რეგისტრაციის ადგილის მიხედვით, წინასწარ განსაზღვრული საარჩევნო უბნის სპეციალურ სიაში შეჰყავს შესაბამის საოლქო საარჩევნო კომისიას (საარჩევნო კოდექსი 32-ე მუხლის პირველი პუნქტის „ა“ ქვეპუნქტი) 6. საოლქო საარჩევნო კომისია შესაბამის საუბნო საარჩევნო კომისიას გადასცემს კენჭისყრის დღეს სტაციონარულ სამკურნალო დაწესებულებაში მყოფი ამომრჩეველის შესახებ ინფორმაციას (საარჩევნო კოდექსი 33-ე მუხლის მე-2 პუნქტი) 7. ეტლით მოსარგებლე ამომრჩეველი უფლებამოსილია არჩევნებში მონაწილეობა მიიღოს შესაბამისი მაჟორიტარული საარჩევნო ოლქის ტერიტორიაზე არსებულ ნებისმიერ ადაპტირებულ საარჩევნო უბანზე, რისთვისაც მან უნდა მიმართოს შესაბამის საოლქო ან საუბნო საარჩევნო კომისიას (საარჩევნო კოდექსი 200² მუხლის პირველი პუნქტი) <p>კენჭისყრის დღეს კენჭისყრის შენობაში მისვლის შეუძლებლობის შემთხვევაში, ამომრჩეველი გადასატანი საარჩევნო ყუთის მეშვეობით ხმის მიცემის მოთხოვნით მიმართავს საუბნო საარჩევნო კომისიას (ბოლო ვადა) (33-ე მუხლის მე-2 პუნქტი)</p> <p>გადასატანი საარჩევნო ყუთის სიაში შესაყვანი ამომრჩეველების შესახებ ინფორმაცია დაუყოვნებლივ უნდა გამოიკრას კენჭისყრის შენობაში თვალსაჩინო ადგილას (საარჩევნო კოდექსი 33-ე მუხლის მე-3 პუნქტი)</p> <p>გადასატანი საარჩევნო ყუთის სია მისი შედგენისთანავე თვალსაჩინო ადგილას გამოიკვრება საუბნო საარჩევნო კომისიისა და კენჭისყრის შენობებში (საარჩევნო კოდექსი 33-ე მუხლის მე-6 პუნქტი)</p> <p>საარჩევნო კოდექსის 33-ე მუხლის მე-4 პუნქტით გათვალისწინებულ გადაწყვეტილებას საოლქო საარჩევნო კომისია იღებს კენჭისყრის დღემდე</p>

		არაუგვიანეს მე-11 დღისა, 18:00 საათის შემდეგ. (ბოლო ვადა) (ცესკოს დადგენილება №7/2023)
არაუადრეს მე-10 დღისა	16 ოქტომბერი ოთხშაბათი	საოლქო საარჩევნო კომისია ირჩევს გამონაკლის შემთხვევაში შექმნილი საუბნო საარჩევნო კომისიის წევრებს (საარჩევნო კოდექსი 25-ე მუხლის მე-4 პუნქტი) (საწყისი ვადა)
არაუგვიანეს მე-10 დღისა	16 ოქტომბერი ოთხშაბათი	<p>1. რეგისტრაციაში გატარების მიზნით ადგილობრივმა დამკვირვებელმა ორგანიზაციამ განცხადებით უნდა მიმართოს შესაბამის საარჩევნო კომისიას. ბოლო ვადა (აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 3)</p> <p>2. საოლქო საარჩევნო კომისია, კენჭისყრის დღემდე არაუგვიანეს მე-10 დღისა ადგენს და განკარგულებით ამტკიცებს სპეციალურ სიებს და ამავე კომისიის თავმჯდომარისა და მდივნის ხელმოწერებით დაუყოვნებლივ გადასცემს შესაბამის საუბნო საარჩევნო კომისიას სპეციალური სიების საჯარო ინფორმაციისთვის მიკუთვნებულ ვერსიებს, ხოლო კენჭისყრამდე არაუგვიანეს 12 საათისა - საარჩევნო კომისიისათვის განკუთვნილ ვერსიებს (საარჩევნო კოდექსი 32-ე მუხლის მე-3 პუნქტი.)</p> <p>3. საოლქო საარჩევნო კომისია, კენჭისყრის დღემდე არაუგვიანეს მე-10 დღისა ადგენს და განკარგულებით ამტკიცებს სპეციალურ სიებს და ამავე კომისიის თავმჯდომარისა და მდივნის ხელმოწერებით დაუყოვნებლივ გადასცემს შესაბამის საუბნო საარჩევნო კომისიას სპეციალური სიების საჯარო ინფორმაციისთვის მიკუთვნებულ ვერსიებს, ხოლო კენჭისყრამდე არაუგვიანეს 12 საათისა - საარჩევნო კომისიისათვის განკუთვნილ ვერსიებს (საარჩევნო კოდექსი 32-ე მუხლის მე-3 პუნქტი)</p> <p>საოლქო საარჩევნო კომისია საუბნო საარჩევნო კომისიებისგან მიღებული, აგრეთვე საკუთარი მონაცემების საფუძველზე ადგენს და განკარგულებით ამტკიცებს ადაპტირებული საარჩევნო უბნების ამომრჩეველთა სპეციალურ სიას და შესაბამის საუბნო საარჩევნო კომისიას დაუყოვნებლივ გადასცემს ამავე კომისიის თავმჯდომარისა და მდივნის მიერ ხელმოწერილ ამ სიის საჯარო ინფორმაციისთვის მიკუთვნებულ ვერსიას, ხოლო კენჭისყრამდე არაუგვიანეს 12 საათისა - საარჩევნო კომისიისთვის განკუთვნილ ვერსიას. ადაპტირებული საარჩევნო უბნის ამომრჩეველთა სპეციალური სიის საოლქო საარჩევნო კომისიის მიერ საუბნო საარჩევნო კომისიისათვის გადაცემული საჯარო ინფორმაციისათვის მიკუთვნებული ვერსია (ფოტოსურათების გარეშე) დაუყოვნებლივ გამოიკვრება საუბნო საარჩევნო კომისიის (კენჭისყრის) შენობაში თვალსაჩინო ადგილას (საარჩევნო კოდექსი 200² მუხლის მე-3 და მე-5 პუნქტები)</p>
არაუგვიანეს მე-9 დღისა	17 ოქტომბერი ხუთშაბათი	<p>1. უფლებამოსილი პარტიები შესაბამის საოლქო საარჩევნო კომისიას წარუდგენენ გამონაკლის შემთხვევაში შექმნილი საუბნო საარჩევნო კომისიის წევრის დანიშვნის შესახებ გადაწყვეტილებას (საარჩევნო კოდექსი 25-ე მუხლის მე-6 პუნქტი) (ბოლო ვადა)</p> <p>2. საოლქო საარჩევნო კომისია ირჩევს გამონაკლის შემთხვევაში შექმნილი საუბნო საარჩევნო კომისიის წევრებს (საარჩევნო კოდექსი 25-ე მუხლის მე-4 პუნქტი) (ბოლო ვადა)</p>
მე-8 დღისათვის	18 ოქტომბერი პარასკევი	თუ გამონაკლის შემთხვევაში შექმნილ საუბნო საარჩევნო კომისიის შემადგენლობაში დადგენილ რაოდენობაზე ნაკლები წევრი აღმოჩნდა, საოლქო საარჩევნო კომისიას უფლება აქვს 3 დღის ვადაში აირჩიოს საუბნო საარჩევნო კომისიის წევრები კონკურსში მონაწილე კანდიდატთაგან ან ხელახლა გამოცხადებული კონკურსის საფუძველზე, რომელსაც საჭიროების შემთხვევაში იმავე დღესვე აცხადებს საოლქო საარჩევნო კომისია (საარჩევნო კოდექსი 25-ე მუხლის მე-8 პუნქტი) (საწყისი ვადა)

არაუგვიანეს მე-7 დღისა	19 ოქტომბერი შაბათი	საერთაშორისო ორგანიზაცია რეგისტრაციაში გატარების მიზნით განცხადებით მიმართავს უსკოს. ბოლო ვადა (აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 5)
არაუგვიანეს მე-5 დღისა	21 ოქტომბერი ორშაბათი	<ol style="list-style-type: none"> 1. ადგილობრივმა დამკვირვებელმა ორგანიზაციამ უნდა წარადგინოს საარჩევნო კომისიებში დანიშნულ დამკვირვებელთა სია. (ბოლო ვადა)(აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 8) 2. შესაბამის საარჩევნო კომისიებს წარედგინებათ განცხადება პრესისა და მასობრივი ინფორმაციის სხვა საშუალებათა წარმომადგენლების აკრედიტაციის შესახებ. (აჭარის ა.რ კანონი უმაღლესი საბჭოს არჩევნების შესახებ, მუხლი 50, პუნქტი 3) 3. ცესკო უსკოს გადასცემს აჭარის ავტონომიური რესპუბლიკის ტერიტორიაზე რეგისტრირებულ ამომრჩეველთა ერთიან სიას. უსკო თავის ვებგვერდზე აქვეყნებს ინფორმაციას ამომრჩეველთა საერთო რაოდენობის შესახებ აჭარის ავტონომიურ რესპუბლიკაში და მის ყოველ საარჩევნო ოლქში. (აჭარის ა.რ კანონი უმაღლესი საბჭოს არჩევნების შესახებ, მუხლი 30, პუნქტი 6) 4. საოლქო საარჩევნო კომისია ცესკოს ოფიციალურ ვებგვერდზე აქვეყნებს გამონაკლის შემთხვევაში შექმნილი საუბნო საარჩევნო კომისიის წევრთა სიას (საარჩევნო კოდექსი 25-ე მუხლის მე-7 პუნქტი)
არაუგვიანეს მე-4 დღისა	22 ოქტომბერი სამშაბათი	უსკოს მიერ საერთაშორისო დამკვირვებელი ორგანიზაციის რეგისტრაციის საკითხის გადაწყვეტა. (აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 5)
მე-4 დღიდან	22 ოქტომბერი სამშაბათი	აკრძალულია უსკოს დადგენილების მიღება. (აჭარის ა.რ კანონი უმაღლესი საბჭოს არჩევნების შესახებ, მუხლი 29, პუნქტი 3)
არაუგვიანეს მე-3 დღისა	23 ოქტომბერი ოთხშაბათი	<ol style="list-style-type: none"> 1. საარჩევნო კომისიის მდივანი რეგისტრაციაში ატარებს ამ კანონის მოთხოვნათა დაცვით წარდგენილ ადგილობრივ დამკვირვებლებს და გადასცემს დამკვირვებლის მოწმობას, რომელიც იმავდროულად წარმოადგენს სამკერდე ნიშანს. (აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 11) 2. საარჩევნო კომისიის მდივნის მიერ პრესისა და მასობრივი ინფორმაციის სხვა საშუალების წარმომადგენლის აკრედიტაციის საკითხის გადაწყვეტა. (აჭარის ა.რ კანონი უმაღლესი საბჭოს არჩევნების შესახებ, მუხლი 50, პუნქტი 4) 3. საუბნო საარჩევნო კომისია უფლებამოსილია საარჩევნო უბნის ტერიტორიაზე რეგისტრირებულ და ამომრჩეველთა სიებში შეყვანილ ყველა ამომრჩეველს გადასცეს ამომრჩევლის ბარათი (საარჩევნო კოდექსი 35-ე მუხლის პირველი პუნქტი)
არაუგვიანეს მე-2 დღისა	24 ოქტომბერი ხუთშაბათი	<ol style="list-style-type: none"> 1. თუ პარტიის პარტიულ სიაში კანდიდატთა რაოდენობა ამ კანონით დადგენილ მინიმალურ რაოდენობაზე ნაკლები აღმოჩნდა პარტიას უსკოს თავმჯდომარის განკარგულებით უუქმდება საარჩევნო რეგისტრაცია. (აჭარის ა.რ კანონი უმაღლესი საბჭოს არჩევნების შესახებ, მუხლი 35, მე-9 პუნქტის „ვ“ ქვეპუნქტი) 2. რეგისტრირებულმა საერთაშორისო ორგანიზაციამ უსკოს მდივანს უნდა წარუდგინოს დამკვირვებელთა სია მათი ვინაობის მითითებით. (აჭარის ა.რ კანონი უმაღლესი საბჭოს არჩევნების შესახებ, მუხლი 47, პუნქტი 7) 4. შესაბამისი საარჩევნო კომისიის მდივანი წყვეტს პრესისა და მასობრივი ინფორმაციის სხვა საშუალებათა წარმომადგენლების აკრედიტაციის საკითხს და აკრედიტებულ წარმომადგენლებს გადასცემს სათანადო მოწმობას. (აჭარის ა.რ კანონი უმაღლესი საბჭოს არჩევნების შესახებ, მუხლი 50, პუნქტი 4) 5. დილის 08:00 საათის შემდეგ კენჭისყრის დღის 20:00 საათამდე აკრძალულია არჩევნებთან დაკავშირებული საზოგადოებრივი აზრის გამოკითხვის შედეგების გამოქვეყნება, გარდა არჩევნების შესაძლო მონაწილეთა და კენჭისყრის დღეს არჩევნების მონაწილეთა რაოდენობისა (საქართველოს საარჩევნო კოდექსი, მუხლი 50, პუნქტი 5)

<p>არაუგვიანეს კენჭისყრის წინა დღისა</p>	<p>25 ოქტომბერი პარასკევი</p>	<p>1. 20 საათამდე საოლქო საარჩევნო კომისია საუბნო საარჩევნო კომისიებს გადასცემს საარჩევნო ბიულეტენებსა და სპეციალურ კონვერტებს (საარჩევნო კოდექსი 63-ე მუხლის მე-9 პუნქტი) 2. აკრძალულია საარჩევნო სუბიექტის მიერ მისი წარმომადგენლის გამოწვევა ან/და შეცვლა (აჭარის ა.რ კანონი უმაღლესი საბჭოს არჩევნების შესახებ, მუხლი 49, პუნქტი 11)</p>
<p>აჭარის ავტონომიური რესპუბლიკის უმაღლესი საბჭოს არჩევნების დღე</p>	<p>26 ოქტომბერი შაბათი</p>	<p>1. კენჭისყრის დღეს კენჭისყრის შენობაში აკრძალულია წინასაარჩევნო აგიტაცია (საარჩევნო კოდექსი 45-ე მუხლის მე-11 პუნქტი) 2. აკრძალულია საარჩევნო სუბიექტის მიერ მისი წარმომადგენლის გამოწვევა ან/და შეცვლა (აჭარის ა.რ კანონი უმაღლესი საბჭოს არჩევნების შესახებ, მუხლი 49, პუნქტი 11) 3. აკრძალულია წინასაარჩევნო ფასიანი ან/და უფასო რეკლამის განთავსება ტელევიზიისა და რადიოს ეთერში (საარჩევნო კოდექსი 51-ე მუხლის მე-16 პუნქტი) 4. აკრძალულია არჩევნებთან დაკავშირებული საზოგადოებრივი აზრის გამოკითხვის შედეგების გამოქვეყნება კენჭისყრის დღის 20 საათამდე, გარდა არჩევნების შესაძლო მონაწილეთა და კენჭისყრის დღეს არჩევნების მონაწილეთა რაოდენობისა (საარჩევნო კოდექსი 50-ე მუხლის მე-5 პუნქტი) 5. კენჭისყრის ფარულობის უზრუნველსაყოფად აკრძალულია კენჭისყრის კაბინაში ფოტო და ვიდეოგადაღება (საარჩევნო კოდექსი 58-ე მუხლის მე-6 პუნქტი) 6. კენჭისყრის შენობაში ყოფნის უფლების მქონე პირებს, კენჭისყრის კაბინის გარდა, საარჩევნო პროცესისათვის ხელის შეშლის გარეშე, შეუძლიათ აწარმოონ ფოტოვიდეოგადაღება. (საქართველოს საარჩევნო კოდექსი, მუხლი 8, პუნქტი 25) 7. 8 საათზე კენჭისყრის შენობაში იწყება კენჭისყრა (საარჩევნო კოდექსი 61-ე მუხლის მე-11 პუნქტი) 8. კენჭისყრის დროს აკრძალულია კენჭისყრის შენობის ჩაკეტვა, კენჭისყრის შეწყვეტა ან შეჩერება, გარდა იმ შემთხვევისა, როდესაც შეუძლებელია არჩევნების საყოველთაოობის, თანასწორობისა და ამომრჩეველთა ნების თავისუფალი გამოვლენის უზრუნველყოფა. (საარჩევნო კოდექსიმე-60 მუხლის მე-2 პუნქტი) 9. 9 საათიდან 19 საათამდე მიმდინარეობს გადასატანი საარჩევნო ყუთის მეშვეობით კენჭისყრის პროცედურა. გადასატანი საარჩევნო ყუთი საარჩევნო უბანში უნდა დაბრუნდეს არა უგვიანეს 20 საათისა (საარჩევნო კოდექსი 66-ე მუხლის პირველი პუნქტი) 10. საუბნო საარჩევნო კომისია რეგისტრაციაში ატარებს იმ ამომრჩეველს, რომელმაც კანონით დადგენილ ვადაში ვერ გაიარა რეგისტრაცია, არჩევნებში მონაწილეობის მიღების მოთხოვნით კენჭისყრის დღეს მიმართა საარჩევნო ადმინისტრაციას და წარადგინა შესაბამისი დოკუმენტები (საქართველოს მოქალაქის პასპორტში ჩანაწერი საზღვრის გადაკვეთის შესახებ, ცნობა სტაციონარული სამკურნალო დაწესებულებიდან, პენიტენციური დაწესებულებიდან განთავისუფლების ცნობა). შესაბამისი საუბნო საარჩევნო კომისია ამომრჩეველთა სიებს დაურთავს დოკუმენტების ფოტოასლებს (საარჩევნო კოდექსი 31-ე მუხლის მე-12 პუნქტი) 11. 12 საათსა და 17 საათზე საუბნო საარჩევნო კომისიის მდივანი ვალდებულია გადათვალოს ამომრჩეველთა სიაში კენჭისყრის მონაწილე ამომრჩეველთა ხელმოწერების რაოდენობა და ეს რიცხვი შესაბამისი დროის მინიშნებით შეიტანოს საუბნო საარჩევნო კომისიის სადემონსტრაციო ოქმსა და ჩანაწერთა წიგნში (საარჩევნო კოდექსი 65-ე მუხლის მე-6 პუნქტი 76⁶ -ე მუხლის პირველი პუნქტის „თ“ ქვეპუნქტი) 12. 20 საათზე იკეტება კენჭისყრის შენობა. ამ დროისთვის რიგში მდგომ ამომრჩეველებს შეუძლიათ ხმის მიცემა, რისთვისაც საუბნო საარჩევნო კომისიის თავმჯდომარის დავალებით კომისიის ერთ-ერთი წევრი აღრიცხავს რიგში მდგომ ამომრჩეველთა გვარებსა და სახელებს, მათ რაოდენობას აცნობებს საუბნო საარჩევნო კომისიის თავმჯდომარეს, ხოლო კომისიის მდივანი ჩანაწერთა წიგნში აღნიშნავს რიგში მდგომ ამომრჩეველთა რაოდენობას (საარჩევნო კოდექსი 65-ე მუხლის მე-8 პუნქტი)</p>

		<p>13. კენჭისყრის შენობის დაკეტვის შემდეგ გამონაკლის შემთხვევაში შექმნილი საუბნო საარჩევნო კომისიის უფლებამოსილ პირებს საოლქო საარჩევნო კომისიის მიერ წინასწარ განსაზღვრული საარჩევნო უბნის კენჭისყრის შენობაში შეაქვთ გამონაკლის შემთხვევაში შექმნილი საარჩევნო უბნის საარჩევნო ყუთი და საარჩევნო დოკუმენტაცია (საარჩევნო კოდექსი 65-ე მუხლის მე-9 პუნქტი)</p> <p>14. კენჭისყრის დღეს სამხედრო ნაწილებში, საავადმყოფოებსა და სხვა სტაციონარულ სამკურნალო დაწესებულებებში და ძნელად მისადგომ ადგილებში შექმნილ საარჩევნო უბნებში საუბნო საარჩევნო კომისია კენჭისყრას დამთავრებულად აცხადებს 20 საათამდე ნებისმიერ დროს, თუ კენჭისყრაში მონაწილეობა მიიღო ამომრჩეველთა სიაში შეყვანილმა ყველა ამომრჩეველმა (საარჩევნო კოდექსი მე-60 მუხლის მე-6 პუნქტი)</p> <p>15. საუბნო საარჩევნო კომისია ვალდებულია აჭარის ავტონომიური რესპუბლიკის უმაღლესი საბჭოს არჩევნების კენჭისყრის შედეგების შემაჯამებელი ოქმის ფოტოასლი დაუყოვნებლივ, ოქმის შევსებისთანავე, თავის ხელთ არსებული ტექნიკური საშუალებებით გაუგზავნოს უსკოს (აჭარის ა.რ კანონი უმაღლესი საბჭოს არჩევნების შესახებ, მუხლი 60, საარჩევნო კოდექსი 71-ე მუხლის მე-14 პუნქტი)</p> <p>16. საარჩევნო ადმინისტრაციის მოხელეებს ეკრძალებათ არჩევნების წინასწარი შედეგების შესახებ განცხადების გაკეთება, თუ ეს შედეგები სათანადო წესით არ არის გამოქვეყნებული უსკოს ვებგვერდზე (აჭარის ა.რ კანონი უმაღლესი საბჭოს არჩევნების შესახებ, მუხლი 65, პუნქტი 4)</p>
არა უგვიანეს კენჭისყრის დღის მომდევნო დღისა	27 ოქტომბერი კვირა	აკრძალულია საუბნო საარჩევნო კომისიის წევრის გამოწვევა (საარჩევნო კოდექსი 29-ე მუხლის მე-9 პუნქტი)
კენჭისყრიდან არაუგვიანეს მე-2 დღისა	28 ოქტომბერი ორშაბათი	<p>1. უსკო ვალდებულია უზრუნველყოს შესაბამისი ელექტრონული მოწყობილობის საშუალებით ციფრულ ფორმატში გადაყვანილი ყველა ბიულეტენის ინტერნეტსივრცეში განთავსება საარჩევნო უბნების მიხედვით, კენჭისყრის დღიდან 2 დღის ვადაში. (აჭარის ა.რ კანონი უმაღლესი საბჭოს არჩევნების შესახებ, 72⁶ მუხლის პირველი და მე-2 პუნქტები)</p> <p>2. საოლქო საარჩევნო კომისია გასცემს საუბნო საარჩევნო კომისიის კენჭისყრის შედეგების შემაჯამებელი ოქმის ფოტოასლებს, რომლებიც დამოწმებული უნდა იქნეს საოლქო საარჩევნო კომისიის ბეჭდით და საოლქო საარჩევნო კომისიის თავმჯდომარისა და მდივნის ხელმოწერებით (საარჩევნო კოდექსი 71-ე მუხლის მე-9 პუნქტი)</p>
კენჭისყრიდან არაუგვიანეს მე-12 დღისა	7 ნოემბერი ხუთშაბათი	ის საარჩევნო სუბიექტი, რომელიც, წინასწარი მონაცემებით, არჩევნებში საარჩევნო კოდექსით დადგენილ ხმების საჭირო რაოდენობას მიიღებს, კენჭისყრის დღიდან არაუგვიანეს 12 დღისა ანტიკორუფციულ ბიუროს წარუდგენს არჩევნების დანიშვნის დღიდან კენჭისყრის დღის ჩათვლით გამოყენებული სახსრების შესახებ ანგარიშს. (57-ე მუხლის მე-2 პუნქტი)
კენჭისყრიდან არაუგვიანეს მე-14 დღისა	9 ნოემბერი შაბათი	განმეორებითი კენჭისყრის ჩატარების დღე. (აჭარის ა.რ კანონი უმაღლესი საბჭოს არჩევნების შესახებ, მუხლი 65 პუნქტი 17.)
კენჭისყრიდან არაუგვიანეს მე-15 დღისა	10 ნოემბერი ოთხშაბათი	საოლქო საარჩევნო კომისია საუბნო საარჩევნო კომისიების შემაჯამებელი ოქმების საფუძველზე, საარჩევნო კანონმდებლობის დარღვევის შედეგების გათვალისწინებით აჯამებს უმაღლესი საბჭოს არჩევნების შედეგებს. (საქართველოს საარჩევნო კოდექსი, მუხლი 75, პუნქტი პირველი. აჭარის ა.რ კანონი უმაღლესი საბჭოს არჩევნების შესახებ, მუხლი 64, პუნქტი 1)

კენჭისყრიდან არაუგვიანეს მე-16 დღისა	11 ნოემბერი ხუთშაბათი	საოლქო საარჩევნო კომისია საარჩევნო ოლქში გამართული კენჭისყრისა და არჩევნების შედეგების უმაღლესი საბჭოს არჩევნების თითოეული სახის შემაჯამებელ ოქმს გადასცემს უსკოს აჭარის ა.რ კანონი უმაღლესი საბჭოს არჩევნების შესახებ, მუხლი 64, პუნქტი 1
კენჭისყრიდან არაუგვიანეს მე-26 დღისა	21 ნოემბერი ხუთშაბათი	უსკო საოლქო და საუბნო საარჩევნო კომისიებისაგან მიღებული ოქმების საფუძველზე აჯამებს უმაღლესი საბჭოს არჩევნების შედეგებს. (აჭარის ა.რ კანონი უმაღლესი საბჭოს არჩევნების შესახებ, მუხლი 65, პუნქტი პირველი)
კენჭისყრიდან არაუგვიანეს 28-ე დღისა	23 ნოემბერი შაბათი	უსკო რეგისტრაციაში ატარებს არჩეულ წევრებს და აძლევს დროებით მოწმობას. (აჭარის ა.რ კანონი უმაღლესი საბჭოს არჩევნების შესახებ, მუხლი 71)